



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 2. Hujus Cæsaris indoles

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

Sæcul. XVI. malo, ne mortem inferret, quædam portio præscribatur, quæ tamen tempore non satis commodo adhibita, aucta morbi vi, Cæsaris obitum accelerabat. Is Imperio præerat, defuncto Friderico ejus Patre, viginti quinque omnino annis cum quinque mensibus: Sepulturæ vero locum sibi elegit Neostadium, quo etiam corpus ejus delatum fuit. Binas habuit uxores, quarum prima erat Maria Caroli Burgundiæ Ducis filia, ex qua Philippum suscepit, qui ducta in conjugem Joanna IV. Carolum V. progenuit. Obiit illa Anno Salutis millesimo quadringentesimo octogesimo secundo. Altera fuit Blanca Galeatii Mariæ Mediolani Ducis Filia.

§. II.

Imperatoris hujus indoles.

La Bizard. hist. gestorum in Eccles. memorabl. p. 18.

Maximilianus non modo ante adeptam supremam imperii dignitatem, sed etiam postea censebatur Princeps in consiliis vacillans, ac mobilis, novitatis amans, & ad magna feliciter constanterque exequenda ingenio imbecillis; unde non raro tantis implicabatur turbis, curisque, ut ejus conatibus nunquam secundus colluderet successus. Nihilominus tamen toto imperii sui tempore adversus aliquem ex suis hostibus bellum gerebat,

gererat, tanta tamen animi levitate, ut ^{Sæcul.XVI.} exiguam nominis sui famam sibi conciliaret, præterea in sumptibus erat immoderatus, atque in benignitate usque ad immodicam profusionem liberalis. Fertur, Literatos impense fovisse, atque ex ipsius calamo quædam poemata, ac vitæ suæ commentarios profluxisse (*).

A.C.1519.

§. III.

(*) Benevole Lector! quam insignibus corporis, animique dotibus Maximilianus Imperator memoria æterna dignus, fuerit præditus, passim non modo a Germanis, sed a Gallis quoque Scriptoribus discere potes. Omnes uno ore in eo deprædicant summam in Deum Religionem, in subditos amorem, mansuetudinem, & clementiam in hostes, in omnes justitiam, raram in Principe continentiam, singularem literarum cultum, atque eximiam in administrando imperio prudentiam; Primus ipse Cameram Imperialem, ut vocant, instituit, saluberrima edidit decreta, iudicii formam emendavit, atque imperium in decem circulos divisit; ut taceam plura alia, quibus nominis sui famam in omnes temporum ætates commendavit. Hunc ergo tamque præclarum Principem a Continuatore non modo absque omni debitæ laudis memoria exhibitum, sed etiam indigno prorsus modo inconstantiæ notatum, abs dubio indignaberis Lector; nec

D d 4 tamen